

善

845.76

40-1

清容居士集二



清容居士集卷

第一

賦

導游賦

陳郡袁桶家于甬之隅足不

寢闕而四方

交游往復之義亦能舉其槩聞吳興子昂

趙子清名雅言為作導游賦道予所蘊亦

以見夫思其人而不可見之意詞曰

嘗悲乎好游之士閱終歲而莫聞非秉志

而媚私亦飾行以矯群方其命車於王良

假驂於造父過屠繒之沛弔弦歌之魯許



身結志慷慨偃倭抗銅盤以矢辭握幽蘭  
而結賦炫華堂之水靈眇脩途之霜露盖  
將脩斷金之利雖聞墻而莫我敢侮息肩  
于門晞髮于廬不一歲月迨見夫蠅聲而  
歌倚檻而吁雖千里之異殊何老壯之卒  
逾也世有索居肥遯整門塞竇尊委俚之  
聞友汗青之朽是猶談智於尺寸測日於  
戶牖猛虎嚙嚼幽猱悲啾獨行無倚謹操  
其輶粲彼一士與時偕蔽具大塊之清淑  
服忠厚以自昌余將往而未得倚吳山以

相望振衣中庭萬籟寂玄頽形廣顙眇兮  
翩翩墜余以言曰懷辛之樹人或議其妖  
充梁之木人或惡其獨夫既自以為直而  
亦豈不以為曲阮生自持幾於目語削木  
已湯假手于祖匪達人之曠羈終察察乎  
庶隅余鞮然而笑喟然而思拂龜以占莫  
測其疑抑騷首而欵歎故髣髴以致期遂  
伸之以辭回城之壁佩以容兮環龍之劔  
喜其鋒兮伊若人兮物不可同兮我欲從  
兮樂有終兮江山兮複長方舟兮可航辭

未竟童子擁篲而前曰豈所謂千載之人  
耶吾當從子而西矣

雲林賦

若知雲乎昭昭然眼光以廣微隆然廓然  
又侶夫五色萬物而沈幾來弗以趾去弗  
以馳其始也盤辟夾輔輪輪困困孰合其  
處所其終也寸芒以興導轟轟啓鈴鈴汨  
沮洳襄丘陵若慕而佇若泣而赴愀兮哀  
不知所訴蜿蟬眇綿含英吐鮮迨傾蓋而  
忘返絜接席以爭先誠果樂乎莫與之宣

形成乎無形名生於有名囿于家林况為  
儀刑奉著占之曰居高而卑佩矩帶規升  
于木無往不復不泄不辱言歸其谷伊南  
維湖將以為居齊三日祝而蒞諸蒼兮中  
峰式瞻其端為章為祥為輪為冠風以潤  
之雨以濡之挾陰而嘘乘陽而舒朝飛夕  
躋莫窮其栖有翼者鵠遵于其涯曰將有  
行自東徂西綏而迎之維墉之崇施而流  
之維泉之通以沐以容是謂雲林之宮

泗流迴淵禹朝步兮乘陰發竒靈鼇負兮  
玉質墨章浮帝都兮庶辨以清協磬濩兮  
堅剛洞虛積元感兮磅礴太素屹空嵌兮  
靜居泊如日儀以湛兮虛一闡圖握九讚  
兮八方宣明二儀竅兮抱形介貞合窈眇  
兮細細緼緼道之奧兮肇稱玄雲吾將以  
觀衆妙兮

淳賦

粵若邃古仁風熙熙擊壤灌陰以供以嬉  
巷無夭瘥物無癘疵祥麟應囿靈龜負池

樂以導和禮以黜袞齋齋其春渾渾其天  
守冲若虛不夸不鑄佩矩帶規養於深淵  
擬諸樸兮文理具宣擬諸象兮充然混完  
見不以迹視不以形斟酌太和胚胎粹精  
居之無疑神維壹清若有若無訖莫可名  
二儀絪縕肇分化醇人行乎中孰全其真  
注茲玄酒淡兮在尊御史氏尹敏學潛珍  
服習與謨葆厥靈根齋居靜儀人莫可聞  
攷諸庖犧其名曰淳

玉龜杖賦



有璞於此純淪氤氲瑤光之精為靈為文  
謹櫝以藏不泄孔溫穿隆中乾夷靜合坤  
淵淵其容深深其神爰有善木含章揚芬  
飾端以儀往來無垠鬱嵒壽宮有粲者雲  
維季翼翼聿懷彼瀆跪而祝諸以奉番君  
曰履道坦而元吉者歟任重而不希其力  
者歟視下而無危嬉戲如見審時而行得  
良以防抑心自強底夫康莊其形不孤其  
智若圓化而神之曷知其遷以相以持是  
謂期頤

桐柏觀賦

孫興公天台賦運意高簡忘象以求斯得  
之凝和盧君居是山以桐柏觀圖授余曰  
子為我續繹其景不揆瓦石援筆為之賦

曰

厚坤載德台山效靈蜿蜒扶輿天孫之精  
僊書易之以桐柏啟神界為金庭轆轤三  
光磅礴大空睇暘谷之倒影卒莫能擬諸  
形容也朧彼華頂群山啓蹤倡九牧以執  
玉藐冠仰其顛顛香林玉霄夾驂以送華

林不彫卧龍嵒龍玉泉御右法蓮殿戎東  
峙翠微西躡紫霄巧面勢以規輔玄扃沉  
沉乎沉寥維妙有之珍館匪攀援之可求  
除三彭之內蕩守中戒以默脩影息於鄧  
林機忘於海鷗上池飲之以洞視金膏服  
之而冥搜不然者良不能以久留也粵昔  
子晉韜精帝京弄參差於緱山搏扶搖以  
遐臨瓊臺儼其龜負雙閣屹乎龍躡正右  
弼以贊化千齡髣乎氤氲故茲山也四面  
削成中心如掌真風合於冥廓梵炁通乎

朐蠻三井之泉千尺之潭  
臯羽警其濼露  
髯羊匿於陰嵐  
飛梁凝冰側足  
涉褰翠藤  
流霜觸纓捫緣  
梭溪交流以織  
文忽蟠螭  
之鈎連望飛瀑  
之懸絕日五色  
而成妍夫  
樂與餌過客所  
止李誕逐魂踐  
形者耻長  
生之藥眇茫於  
神山執期之候  
談譎於五  
利却衰疏頑簡  
易理得其亦有所  
益乎菌  
蠢春秀篔簹冬  
萌五葉之松三  
脊之香丹  
光騰於金鼎冰  
泉徹於銅罌服  
食之而不  
墜身輕忽焉以  
復丁企列僊之  
遺踪葛翁

策名於太極斗晶熒於樞紐金光雜流於  
瑤席納雷谷之砰磕窮幽淵之罔象丹鳳  
昔焉以來儀凡羽厥今以避讓諒守貞以  
制氣匪狡獪以增誑法不孤立道不虛行  
繼之者白雲先生受素書於軒轅襲帝胄  
於典午愴寡言而無營思坐忘以遐舉承  
唐皇之明問敷清淨之舊章署漆書于寶  
幢迎黃雲於玉堂啟後憲章希夷範圍靈  
寶誦藥珠之玄文過期頤以終考若是者  
誠何異於蓬島或有言曰樓臺榮觀方士

侈崇夷考是山不綺而豐不幽而通廓兮  
其有容閔兮其訖逢味興公之扶竒訊擇  
木之寫真若增其嶽崦盡其窈深身不羽  
而凌朔俄曾城以瑤林迺若丹霞伏光鐵  
柯舒英集衆妙以凝睇髣三真之傳經擬  
金剛於鐵磨警黑業於鴻鍾何錢李之二  
王莫能悟其祿終依抱子以望月虎伏威  
而調風靈璈清以集鸞哀弦急而驚鴻爰  
自有而即無眇一氣之鴻濛悼南國之蒸  
敵髣天都之肅冽彼夏蟲與火鼠徒自煎

以內熱申之以辭曰

帝子下兮雲中質通明兮粹冲覽炎洲兮

垢紛節容與兮茲峰達瀛杳兮無極浪涌

天兮不可以寢境荒滅兮妄益曰此留兮

吾將以內息神為尻兮氣為輿朝紫霞兮

暮清都黜視聽兮道靡渝歷千劫兮復故

初雲凝素兮中壇鈴流露兮日暎三灾舜

兮嘉祉繁語夫世人兮歸休乎靜觀

椿堂賦

為宜  
士春  
作彭  
有

昔嘗疑夫漆園之史學幻而逃虛詢蟲魚

之疏考風土之書莫之敢圖余游上京  
有客北窮夫金山西歷夫賀蘭南踰雕題  
東超三韓鞞然而言芒芒禹跡子所履者  
誠然乎冬裘夏葛寒暑之運環也今也曰  
臨中街霜飛冰靈毳集於踵貂挾於懷戴  
斗接浙承露凝栝子安視而靡猜駭聞忽  
見知奚窮乎齊諧吾先枚夫九州者而言  
之屢熟之稻南州是專十丈之蓮華峰所  
傳枯化石以錫貢樟生庭而為州梅梁分  
以鎮妖祥犴鞏乎維舟杞犬吠而質變復



人形以劑投華平雒常瑞於皇圖莫茲屈  
軼盛於堯世木沉產子以成國樹古眩精  
而為魅松分秦王之封柏擅蜀相之祠若  
是則復何疑焉在昔  
大帝窮源崑崙見北溟之鵬視之若雪即  
之如雲得其遺羽文尋不能以論是齋物  
者非寓言也耶維老彭之遺裔握六氣以  
自馴肇茲齋居其名為椿二儀細縕周流  
無垠則以自儀道合至淳吸兮若韜旋兮  
若輪肅兮似秋熙兮如春行乎六合而不

躡則所謂八千者吾猶以為歲年之稊米也客揖而去遂為之賦

仁壽堂賦

合江老人杜年八十有二其鄉人尊之以仁壽曰名其堂子輝卿今為蜀省掾來京師求賦賦曰

合江老人生於三卯歲之中秀眉疎明鮎背隱隆家事勅斷遺聞春容口欲宣而彌哽情屢發而莫逢會稽坐揖而進曰生居東南龔輕飫甘耳不屬於鉦鼓目不接於

戈鋌合江之事相傳於遊談願削牘書擊  
得鳴筆以有參老人改容正襟往侶可尋  
夢若初覺病猶在身方其誓師斗城滅親  
割情盟重於白馬命輕於浮塵黃風颺沙  
千戍屏營擁若波湧排若筭經危堞隳而  
礮激闌戟護而矢承壁者瞽者各有收職  
熏室旁穴旦不違夕壞館門毀甃石樹列  
對峙填負旁院卓飛泉於雲根起清流之  
千尺目不能承睫氣不得納息黑祲障空  
燐煙蔽江橫厲排蕩挾擊春撞擬效順思

投降提獎之主怒莫敢當忽風歛而川止  
活噏喙於鼎湯意嘻吁此其瓊謏者耳華  
陽之往躅肇於文翁悉於太冲纖侈日滋  
繇是鑠景福盪醇風鬼嘯高居神位巨峰  
棧閣如砥萬騎突馳火連摩圍氛翳峨眉  
築京觀以專戮甚崇街之陳戶順舟而下  
者十不得一緣潤塵墊視京城之豪釐崎  
嶇古渝前彭後余保衣冠之弱緒猶興文  
以舒徐逮夫六合會同彈丸震驚發渙號  
以凜雪緝政俗以治乎則夫兩州之士民

無遺鏃之害敬 帝德以底寧會稽生  
仰而愀俯而笑在易之象復存於碩果物  
極者斯通盛過者斯禍維今老人熙熙其  
天休休其心事至不忒智藏惟深式是表  
儀化而怡滛國有耄叟鄉有善人仁壽錫  
名爰則其淳盛古樂今茲其為擊壤之堯  
民

樂水園賦

東坡先生脫遠遊之履衣紫絲之衣與黃  
冠師跣坐息機臨清冷之淵憇巨樾之陰

意消言忘其得在心飛泉琮瑋寒源杳深  
悲塵寰之隘險抱竒璞而莫陳將以善夫  
濟世之極樂至理而自新維茲水之無倪  
非智者莫能以鑒彼河伯之好夸終望洋  
而浩嘆翳西海之沉羽竟其說以悻誕小  
大不同其病則通駭於所聞者忽所見誠  
哀乎舉世之盲聾余嘗披神禹之地圖考  
先生之轍迹而誦之方其發軔于瞿塘千  
里一瀉鑿益安之醜媒悟孤孽之非禍雖  
盛氣之飄忽已足窮物理之化迨其中年

倦趨分符東上慨河流之奔駛城不沒者  
三板先生胼胝以先激而返之有以過其  
性之狂悍伊父登之貝宮空百幻以自獻  
實精誠之冥通異燃犀之獲譴至於群妖  
肆憎百懾相乘先生怡然而行試正命於  
巨浸儼安流之無驚耿耿明夜乘桴南歸  
海若息波馮夷效竒混六鑿於一噫信天  
地之不私匪深於水者其能若斯耶玩王  
孫之游藝弄玉采於素絲聽之而無聲即  
之而若遺若然者欲以求先生之所樂無

異晝餅之充飢

餘間齋賦

曷不觀夫農父之治田春耕夏耘晝作夜  
緝望歲常有思憫苗若不及候其陰晴謹  
其涼熱食不滿嗛目不承睫穡事告成以  
祀以享入此室處田余將有養休其四肢  
里閭熙熙甕牖迎陽茲其為一歲之隙得  
以自怡者與古之志士範圍天地之初冥  
搜密籌心如淵珠據會以集要積神以合  
虛冬爐夏葛謝而弗居逮其蓄極以通若



燭計龜卜物莫能祖燕居申申欲不踰矩  
倚門而歌聲裂金石恢乎其有容順化而  
有得蓋其勤者若此則其終也迺以豫佚  
惟昔賢之肥遯屹乎其頽波青林扶踈擢  
茲瓊柯味道以觀澹乎不頽閱世推移飲  
茲無何養其精粹不激不訶有容仰止撫  
其嘉名以處以息慨然而言曰悲濁垢之  
駢臻御吾輪兮焉窮愍逐日以道死異惜  
陰之度功厥今金馬公車履舄接踵承色  
以求為疲為冗退食以休濯其靈根藏真

養恬疏清滌祥庸式庸侶著于門顏維四  
民之有制實士農之居先隨于初者躡于  
後弊于智者罹于艱歸休乎君援琴而歌  
曰群動兮夜息貿貿兮吾徒曷猖恣不能  
以自適書兮在度學兮在席復吾初兮以  
無忒

息齋賦

慨太素之日凋服仁義者亦幾乎外馳百  
幻眩晃衆愛糾縻側身於積薪之上試命  
於累卵之危髮盡化而齒將終竟不得要

領以自持端木之智工於言結駟之德色  
索其中試餒然也史遷之足老於行悲憤  
之書不能以全其生也東門之悔華亭之  
悲是猶碎轂而大輻掘泉而止渴何其遲  
也古之至人止於其所不止休於其所不  
休兢兢惕惕不得而名之強名曰息夫息  
形者神清息事者愚絕息心者心愈馳息  
名者名愈徹莊周之息影為荒唐陶潛之  
息交為慨慷是皆未得其當若然者其必  
有自息之方夫知古而不知今謂之陸沉

世故之岐多人事之機深生乎下都兮又  
安能超舉以絕塵維李侯之靜好藹鄒魯  
之淳風不求異乎人默息以底于鴻濛振  
纓而趨簿領如焚上下雜糅否感混淪一  
息而求之何異解牛芒刃眇目於毫介  
也退居申申圖書領賓不喜不愠寂然含  
珍吾有以知其息之外陳者矣夫天地之  
理動靜濟焉偏一而用則為五行之冷人  
身之氣如車軸窒而不流則為疾痛為末  
廢若侯者其何以為息之體而余以為外

陳者豈侯之意歟他年成功而歸晞髮於  
彭咸洗耳於箕穎味乾健之旨以極君子  
之理吾不知侯之所謂息者其信然耶其  
寓言耶

凝雲石賦

孟為張希  
作

文登之宮積濤成雪天風蕩摩海氣幻滅  
嶽峯崦嵫蜿蜒堅若金鐵大者成巒小者成穴  
蜂房群綴蟻曲百結爰有張子扶竒發珍  
藉以文錦炷以古熏陋博山之侈靡髣爐  
峰之氤氲湛然塵消蹄為凝雲有客哆而

笑曰南山朝濟奮搏無垠太素為母五嶽  
為賓合虛成形積潤以神今子友一拳於  
几席雲何自而凝哉張子倚梧而言曰窘  
尋丈者不能以喻大語荒忽者適足以資  
恠人惟至靈品物是賴明而通之呼吸萬  
籟決為奔騰興為靈靈對其來撫趾其去  
闕唯古至人韞玉以匱藏明于幽養神于  
獨內澄外觀嗒若橋木靜以自儀無喪無  
辱念此石友其德不瀆燕居相忘庸以熏  
沐則夫所謂凝雲者不待於外而自足也

客喜而悟遂為之賦

紅梅賦

閑閑羽仙朝歸絳都冰凜雪峙湛焉澄居  
候寒圭之徵影察衆芳之榮枯草藏茲而  
永閔木脫葉而無徒彼陰陽之眇密曷能  
返乎玄虛於是天迴景溫機扶候促吉雲  
豐融美虹纒屬睽炎州之嘉植洪乎其忍  
此垢觸也儼藥珠之揚靈貯初服於太素  
沐九芒之粹精蟠翠氣以內衛頽容耿以  
自持兮抱冲密而莫吐衣赤霜之羽袍曳

文錦之靈佩棄明月之寒璫綴飛瓊以為  
珮匪拘色以自誇表昭質之莫昧凜世全  
之如焚赧微愠以卻背惟深根固蒂之不  
可恃兮將求化以養晦緊煇燁之滑稽懼  
夫惡紫者之見毀鵠日浴以戲離鶴舜丹  
而希壽念形色之莫踐徒變幻以眩售萬  
籟凝寂稜然長思絢此的皜申之以辭辭  
曰貌充心明道之腴兮葆光采貞慎德樞  
兮渥丹自持惟受初兮不爍不騰莫可渝  
兮時至神先吾其敷兮吾其敷兮物莫與



俱兮

九華臺賦

混元之峰鬱為仙閣霏青駭紅嶽峯相扶  
下垂清溪百流是趨昔有羽士恍兮承跗  
縞衣玄裳其化莫追受有堯年之叟植杖  
戒鉏顧瞻童土式崇墳壚黜幽導竒以薙  
以除層臺演觀積成為郭拾紉以外家林  
滿途迺擢孤芳絜泉廣疏錫名九華葆茲  
清腴有客雖止披情徐吁曰登高能賦大  
夫之職也為我賦諸客曰皦皦廩秋天風

奏竽哀鴻赴空寒蟬抱梧脫者如掃縮者  
如枯落妍歛英還形太虛存英可禦去莫  
可居相彼九華孰為有渝舍章金衡承元  
坤輿弗媚弗思若心秉愉迴黃抱素已寒  
紛敷飛霜溢露書沾其濡獨立養完孰云  
彼汙世服校靚飾脂效姝嗜腥豢醇澶甘  
芼萁維爾茹口哆焉如荼耿持空榛冒知  
我蕪叟田好不可一鷓鴣蝼蛆鉤以為直  
石以為琚變奪五采雕雕盱盱已成自售  
適增詆誣寄懷於言觴至不餘九九默排

嗒然蘧廬我生之辰天清景舒庸采以脩  
庶其遂初山空無塵白雲在裾歸與歸與  
吾以子為徒與

墨竹賦

屹書林之邃清鬣空翠以膏沐察群芳之  
交妍糝紫芝而不肉化蒼烟於寸頰皦森  
束其寒玉有客叩門指而言曰大天申申  
吾不知其親悃悃疑欵吾不知其怨懼獨  
立之絜矜徒三刑以自敵爰有童子擁塞  
以前曰東南之美以植則繁大盡斲採小

為烹煎曷扶其清孰麻其生零西摧東山  
崩谷鳴取億及秭莫知可名維我先生念  
茲磅礴探玄窟之太和布靈根於眇邈取  
方諸於承露和不死之至藥寄遺跡於湏  
臾避玄冥之饕虐故其凌風出塵廓兮如  
神承春飲鮮從兮如雲疾掃却顧猶歐冶  
之鑄郢人之斤也且客獨不觀夫鑑之與  
形姪妍脩纖各窮其精惟靜者能以燭至  
動而所謂談譎變幻迺足以覈萬物之情  
望南山之崔嵬目九日而不瞬匪好拳以

眩竒良以解夫謏聞者之愠語未具先主  
振衣坐忘與客相顧卷繾以酬一笑而去

素軒賦

太原白無咎徵名字于易復以素名軒實

維其祥乞賦陳郡袁桷賦曰

維太初之混茫兮眇昭質其孰分二儀迭  
其交媾兮肇清濁而成文翕九垓其同風  
兮佩鉤矩以播芬邈焉黃唐之仁聲兮極  
黼黻以成憲忠與質其相環兮迄蒼姬而  
莫變亘終古之同軌兮成後來者之過眩

徵載籍於竹簡兮淳風鬱然以升墜憫太  
和之淪胥兮希絜已以自致三熏沐而揚  
靈兮儼前聖之遺旨悟宣尼之自筮兮絲  
告之以不樂曰丹漆不文兮白玉不琢質  
不可以受飾兮道不可以雜敦厚靜止兮  
弗居其華惟無色而自色兮物莫能與之  
加爰錫名以表厲兮雖顛越其靡它凜世  
垢之洪泥兮蘄旁證以冀直聃演言以清  
淨兮戒目盲於五色墨諄諄以兼愛兮悲  
焚如其何益冕朱裏而外玄兮袞襲裘而

不揚淡玄酒之無和兮輅盡誠而越席顏  
執仁以不違兮烟虛室之內煥商舉隅而  
起予兮懼絜矜夫情眈噫童子之徵言兮  
警曾氏之華睨捨沐浴以孤泣兮地有知  
夫孝子乘結駟以奔容兮終內熱而殞愧  
車美澤而可鑑兮曷栖栖夫靡止彼馬師  
之食藝兮亦能遺玄黃而洞理羌若人之  
好脩兮妬芳澤之日恣將乘飛廉以上征  
兮揚古帝之正則悃悃疑疑而彌貞兮固  
丹府之介特書盤盃以叅倚兮慮夫龜之

不食揭嘉名于戶冊兮振白首以莫忒申  
以辭曰茫茫重玄物之先兮剏柔相摩文  
以宣兮反初復真德迺全兮履素莫渝吾  
將以無愆兮賈之匪亦糾德蓋昔文正  
冬窩賦示臥自西今未大益之賢  
濟南潘仲德家商河治其田廬塊土累石  
以處左經右子刻意厲行斟酌度古昔將力  
避世不復近歲終順陰陽之理慎居于中  
而名曰冬窩未幾聞子三朝為太史屬太  
史職清簡仲德獨憂之復以昔日命名者



揭以自警余聞異之為之賦曰  
噫嘻夫世之善養名者豈惟冬與朝而興  
夕而趨執轡在首承塵滿裾僕夫告痛寒  
永厲鬚剝飛英於窶數巧膏沐而睢盱懼  
介忽之不前戒良哀以先驅於清楊之婉  
婉猶春溫而于于何自而冬乎大盜之智  
不以眩篋巧賈之利不以操割益將足不  
起閤而踵接其席日不承色而議推其德  
美容峩峩雅言迤迤爰處爰居載笑載歌  
閤無傳之靚遂又何為乎冬窩也哉潘子

曰不然冬為天終萬物蓋藏陽微如芒外  
枯內傷甲者若縮伏者若亡裂者為阱凝  
者為防歛吸以吹浩漑莫當口含飛霜睫  
承流漿三光青熒五嶽仆僵故其蟄處也  
隆然以龜深息而卑卑其徐行也蹜然據  
危俛倮而施施䟽房上宮連氛累靄欽峯  
阻深束縕以載鑿坏者遁煬竈者遜當此  
之時食不飽菽藿衣不襲裘慙悻悻然角  
進而憑陵將弗折衝而自缺且夫藏明養陽  
必謹其獨大智若辱大容若谷紛載藉之

蘊秘糅衆說之桎梏折精華以彌縫豐蔀  
屋之光燭吾非以堪岩為居鹿豕為娛友  
幽閒而棄斯徒也念居蠖之未伸凜自縮  
而不惴謹清寧以冲嗇御六氣之寇沴將  
以游乎萬物之初順四時而成歲也

榕軒賦

南粵之區溫風曼摩積炎吹雲流金為波  
少負老息眇茲庭柯爰有弱木攀緣嘉生  
連理纏結附枝膏凝蔭旋萬牛廣容專城  
千柱承宇百尋傲空群鳥莫爭希賢同風

長與少殊如昂如顛溜微生於一髮寄豐  
壤而敷茸詎擁腫以丐全眇頽波之容容  
廡類滋夥其名曰榕東魯先生見而笑之  
曰目無常形嫫母以為能耳無常聲折楊  
以為清美醜相乘孰完其生眷茲連蜷棄  
諸同辭薪者鄙之斲者訾之輪者絕之噐  
者揮之夫好惡不齊莫與之爭吾何行焉  
舉觴以噫噫極而歌歌曰木之詵詵匪委  
佗兮木之萋萋匪娑娑兮巧為彼矢名為彼  
戈徂徕維松新甫維栢柰何柰何客有

踵門而言曰議物產者必以良舍所用而  
求無用將安所嚮先生曰多謀者神泣多  
才者形傷維彼阻窮百虐備嘗蔚然以修  
充然以光四海立賢勿云其方窮髮之北  
殆將駭兮榕兮榕兮吾以為楷兮

復庵賦

為恒山李  
謙父作

揚子之衝千流交趨蔽帆雲凝炙轂雷噓  
塵奔瓦聯擁關蹋衢土衍隰勻深耒廣畬  
百技眩袞千賈獻姝爰有倦游之叟卜龜  
食吉構茲屠廩不斷不甍茹玉芝而三咽

膏玄髮以若漆與客瞰空觴而言曰今夫  
所謂歸老者其名鮮鮮其行暖暖脫機於  
韓盧之吻息影于菟裘之巔造者絕履奉  
者謝饋嘗仰屋以嘆感極以悻悻極而悔  
黯崦嵫之具離揚滄浪而莫醜若者吾  
奚以為歸世有習靜之士逃聲於無形避  
害於有名山鬼獨嘯悲猿凌兢掩耳疾匿  
脫焉如驚是焉知天地之性哉磅礴之理  
不能以獨運慘者舒者疾者徐者足以窮  
萬物之真維昔此邦犬牙東南前江後山

朝烟夕嵐憑高而望則去者如箭淨者如  
練杳者如線效者如輒日出而作連崗燒  
空交蘆舞風土臺崔嵬野田豐茸昔之荒  
煙蔓草恍不知其處所寄遺踪於白鳥問  
秋風於賓鴻夫觀萬不同恒維其機今吾  
乞身於未老寄此土而食於斯也素書滿  
牀旨酒在卮鄰熙社恬子順孫祇不脂不  
常不激不靡視昔歸全而索隱者相去幾  
希靜者動之根息于外者其內若焚川流  
徂東龍返為雲日沉于淵朝升為暎其本

元元其生芸芸簡兮廬兮靚無渝兮又何  
懷乎土兮

擬剡亭賦

為吳成季作

英英維祥織流成章雙峯嶽峯紫芝熒煌  
崎立澄冰玄言飛霜爰有化鶴之叟迅翻  
珎館舒風盤霄歸而歌曰茲山兮沃膏陽  
霏兮夕濤吾還兮不崇朝將何為兮逍遙  
昔之命駕者興極而意已盡卧游膏肓者  
不千里而接軫去若隙駛留若柯寄情不  
及親豈我輩之謂耶彼櫟輪囷爰衍爰溉



彼桂扶疎以嗣以賚養苗者濯其嘉牧羊  
者去其害植楹兮鼈負布甍兮鱗雅我季  
兮圍圍孫並曾兮陳廡蹇獨余兮不留目  
凝睇兮屢顧芳菲菲兮在林誓將築兮奉  
所欽卜龜兮于庭諷言兮揚靈彼簪兮奚  
投返真兮思冥學道兮天完逸老兮齡延  
順以養榮息以固形刻意枯槁者吾猶謂  
之善盜而我之髣象豈果有所羨而自表  
者耶道本於無形擬之而變成鉤深者衆  
如珠在淵遇風為漪激流為川彼剡伊何

源遠不遷則而企之於亘斯年

餘軒賦

為程士安作

世有好名之士佩玉長裾鳴騶導衛候者  
接踵對者奉諛日三接而色喜坂九折而  
懷吁欠伸委蛇顧而子孫且言曰夷考昔  
人吾何能擬哉榱楹闢空旌旄樹霄部曲  
中衢膏壤近郊悵兮屏營慨兮鬱陶若是  
者何囂囂也爰有靜士卑然素儒載尻為  
輿游物之初粟不滿缶屢空泊如爰笑笑  
爰擬諸華腴昔東方生見戲于侏儒翫世

味道安身之蘧廬維程子客于江之南幾  
四十年幻者如飄風逝者如回淵禍生於  
公餽罪成於細旃撫心以思孰省其愆往  
游于其軒太古為春無懷為年探圖宓戲  
受歷軒轅在易大畜剛止以育德日新而  
自足者也昔之至人道克以為富聲出金  
石柳生其肘席不蔽坐飯不克糗今子之  
居酒時滿筯蔬時滿把視昔之窶者溢且  
夥矣程子憮然曰吾誠夸矣

隱居圖賦

陳子築居唐奧之山復繪隱居圖撫其其  
水其丘之雅名署於其旁以寓朝夕不忘  
之意每遇佳客輒指以示若挽而使之游  
泛於其間也間謂袁桷曰夫畫以髣境畫  
之所不能及者吾雖知之而不能數與人  
言之且境必有趣趣之精華非言不傳也  
子其為我撫名以發其趣桷對不敢辭迺  
為之賦曰

陳子倦游江湖整轅言旋顧瞻先廬徜徉  
里門四壁寒寂頽然維藩詢闥閣之遺跡

儼中堂之猶存吊零落之舊叟撫徬徨之  
驚魂於是悲極而喜喜極復悟悟而言曰  
人生一世惟靜者智盛不可持翫不可恃  
三家之市其行跂跂四達之衢其言姝姝  
一以巧為媒一以醜為居吾懼其獨立而  
誰與趨拂龜以占叱於唐山之隅若質而  
華若翳而明缺者如玦環者如城相其陰  
陽築室繩繩被以松松潛以芡菱桑塵世  
之喧啾庸乾坤之清明爰命雅客展以輕  
冰之楮化以五采之穎織濃如春曲直若

吝

後

領吐秀猷竒發牘炯炯鄰輞川之清妍敵  
草堂之幽靚故雖踰江越嶠適市造朝挹  
此粲者神凝各消有不待北山之移八公  
之招也客有言者曰擁裘而歌者意率類  
於慨慷登高而賦者事常失於荒唐吾敢  
按夫子之圖而代言其詳東越之區山水  
冠世發抉地靈前王復謝維君之居敞若  
神界若迺石塘界其前雷峯守其要馬嶺  
冠其巔羊岩負其奧周以青鮮橫以磊砢  
近若迎笑遠若却坐嵌崿何山挾輶以殿

浮游閬峯振弁以見上有石屋梁欂叅屬  
紛披寒苔聯絡恠木恍飛仙之遺跡鑿幽  
竇以守獨前林香靄丹光騰天伯陽一去  
而不返玄鶴盤空而將還飲石室之寒露  
問山人之何年然此持隱居之外美析而  
舉之有不可勝言者矣晴原漲春千桃爛  
雲飛笑滿溪織流成文支寒藤之瘦骨度  
略約之微險解瓢酌泉一舉三咽藹桑麻  
之故交爭聚首而繾綣前有惠林濃綠姁  
娜投冠解襟翛然清夏吹衆葉之敷陰訝

楞梅之吐火秋畦離離黃菊爛班爰泛黍  
酒駐茲顏顏懷千古之處士醇悠然之南  
山歲窮境空長木號風寒岑晃曜巋然中  
峯滄膏溢銀噴如飛龍匯為澄潭窮髮鑿  
容烹以碧玉之鼎瀹以雲腴之茗神清意  
寒語爽心冷蓋將忘塵世之事而深以內  
省也相彼雙門圍茲群山清風常來客去  
不關圖書以娛鄰社莫千有堂寬閑扁茲  
嘉名悼白雲之何往悲先友之日零瓊樓  
舞空清曉萬變默坐以觀翕忽詭幻賓天



衢之出石駭青紅之紛眩鳥衝煙而辭枝  
兔驚林而絕坂嶺濛濛而人度露溥溥而  
葉顫念哀鴻之相求時遺我而好奇緣小  
壑之橫岡花竹儼其成陰悵舉世之莫從  
歌風雨之苦吟迺歌曰歲將晏兮莫留過  
故居兮懷憂山坡陀兮四屬吾拮据兮以  
屋懼世德之顛隕兮習遯肥以蓋穀駕余  
駮兮屏營耕石田兮腹果究出處之何心  
兮幸余髮之未化為我語山中之人兮吾  
將歸老于其下

清容居士集卷

第一





清容居士集卷

第二

騷辭附

愍誓哀謝先生

受穆清之亢陽兮一精白以抗脩閭闔  
睽其初麗兮執正辭以告猷黯朱光而不  
燭兮妖群立以縱恣飾詩禮以逞誣兮曰  
余將焉所詣眉臆結約而莫達兮史告之  
以寡言心屏營以靡置兮導旌旆而為之  
先揭德華之魁壘兮勵來者之不前一成  
旅以興邦兮屹然莫余敢擬州纍纍以十

百兮夫何寬衣而廣袂燃積薪以逞安兮  
群豢食而自戲竭精液復疾呼兮卒莫能  
進其詞振飄風於林籟兮葉脫故而懷新  
衆喁喁以雜居兮蹇獨立而號呻矢危惋  
於帝閭兮星委以地如珮何執愚之慎矜兮  
守隘說於顛沛持空薄之一髮兮振千  
鈞於層氷力弗勝而殆兮猶夸夫守道之  
經企女紀之傾輪兮極迅翼以恣往九疑  
靈妃慘玉容兮鏗鼓瑟其音蕩重華倏焉  
以冥邈兮凜舊德之日喪乘桴游於中流

兮海右息波以竚望棹夷猶而靡行兮羌何  
為乎此路若然揚靈窮晦冥兮朱鬣乘  
旗挾以震怒澎湃蕩簸激回渦兮爰深逝  
以歛歔懷縮恧而失據兮寧忍歸夫故居  
死無能終報兮生莫知其曷圖貴化人之  
冲漠兮絜肥遯以自遜蒙垢紛為汙濁兮  
薄日月之食吐吞墜門竇於荒滅兮屏精明  
以黜間超飛霞而上征兮遇武夷之神君  
逝者翳于山丘兮夸誕逐其營魂覽三聖  
之古簡兮宣尼實為之弥縫謂道無古今

兮孰與之傳虛九九而內明兮剛柔錯焉  
以敷宣翫朝步之竒文兮握竒五以黜煩  
建中極而滅端兮成品物之自然湛然一  
以貫兮曷知其後先數京垓以成變兮迎  
拒之而莫偏歛莫知其跡兮為道之全夫  
形既不可以久擅兮神與之為橐籥迫朝  
逐而日騁兮引正命以自絕棘戈戈于車  
道兮精離榦以蕭屑秋陰惜其淒骨兮熠  
螢光之明滅手三秀而不忍茹兮腹殷殷  
其雷裂奄兮愀兮忽以放逸兮何昭昭其

章徹辭亂曰玄神凌兢兮命壽不得長闡  
茸曼衍兮既樂且康衆皆馴帖兮靈胡然  
而秉方擷雲英兮微光佩雜芳兮弥章駕  
赤鯨兮騰驤絕六虛兮放八荒注北斗焉  
漿兮內熱不敢嘗林有桂蘭兮水有鱣魴  
所思弗見兮奚故鄉挈手眇風兮樂未央吁  
嗟逆化兮寧怛傷

廣招

深寧先生乘虬上征江海殄瘁湘纍遺痛  
千載猶一日也柳車爰行瞻望永隔門人



表 楠竊取宋玉招魂述廣招以反其義其  
詢曰

竊獨悲此翳濁兮身鞠慙而莫明服三后  
之貞則兮秉忠純以內兢繩古義以自抗  
兮慄微躬之莫勝懼天命之不吾與兮晚  
更號以深寧委靈魄於玄宅兮挾清神以  
上征重華慘其无容兮矚下矩之險隘侈  
九夷之曠邈兮申前聖之遺戒一去而莫  
返兮八靈孰能以震駭乃命小臣戴縱秉  
旄注精高冥而下招曰茫茫封丘鹿困豕萃

只炳靈奔飛杳交會只嬋媯清芬孰返旆  
只縱橫出房雜厖恠只魂兮歸來其益以  
駭只東門焚煌卒蕪層陰只靈宮紫芝萎  
以泯只流鈴搖空訴奈淫只玄蛇蒼鼠若  
擾馴只魂兮歸來繳越吟只題躑躅躅白  
蟬飛只滅方鑿迂傳致以肥只闔青綴白  
眩纖竒只折楊黃華司儀只魂兮歸來  
彼相疑只沃隰脩吟鞠薺茂只狂夫右游  
胡憐後只南山白石冒以永年只式擷其  
薇悵周原只歸來歸來其孰能麻塊只愁

靈旋宇陰籟振幕只素空霏塵清晝激電  
只虎雉黃目屏陳設只精鑿後置燁蟲施  
張只伊鳴仰天雜猖狂只甘胫恣睢禮不  
可防只魂兮歸來悉死以當只魂兮乘桴  
登瀛壖只海觀日浴爛紅殷只哲容長裾  
襲古先只漆書竹簡遂研鑿只崑崙穹隆  
疑有至人只妙顏紫蕤休德日新只吐珍  
納和與道為鄰只雕題祝髮禮讓與仁只  
桂蠹咀吞味芳辛只出蘅嘉芷佩孔文只  
相羊湘纍罔若存只承挹清塵徘徊翩翩翻

只天光溥耀會弁森扈只肅容展威受多  
祐只斬凡破觚斯皇轉只龍圖昭面布高  
矩只開陰蔽陽庶類蕃嘉只捫座箕尾達  
崇牙只翦理姦巫靜无譁只炤示下土循  
羲媧只河公海神魂以迅只貝宮鮫室祕  
恠雜孕只魂英琪柯錯繽紛只鞭龍誅蛟  
需澤湛潤只魂兮遠游戢凌紊只揚歌舒  
嘯化幽憤只重曰嗟所思之不得見兮儼  
冰雪之遺容繫遲遲而容與兮松柏日其  
葱蘢悵幢帷之咫尺兮長虬脫焉以追風

蛻塵居之險艱兮捨崇蘭之雜封墳篋迭  
其和奏兮聯靈車以陪乘粲琳琅之遺編  
兮俾泯絕之足證匪離郡以自絜兮誠不  
忍夫駑騁超整駕以言從兮懼見譏乎後  
聖楫虛漢而言旋兮耕書田以振厲諒神  
明不吾欺兮庶終承乎嘉惠千秋兮靡長  
白雲兮相望魂兮歸來其毋我忘也

七觀

翰林先生納榮息機謝白玉之堂將歸于  
麻源之山房越公孫懷牘濡穎託物喻志

考圖審曲若鑑之納視言忘而意消類別  
而理偷有郢大夫癯然褐衣目不接手黼  
黻耳无闻於律呂鞞而言曰登高能賦淫  
曼芳荒忽智專者魂強形滿者物逐昔吳州  
來觀詩東魯言有慶徵有據屬階於枚生  
濫觴於曹王先王楚產也雲夢汗漫巫峽  
嶺屹冑藏腹蟠公孫不足以教我先生殺  
青南山積簡羽陵若網有網若墨有繩韋  
凡暢微我其聆諸  
趙公孫曰太素烟煴清濁奠儀雨風露雷

助邊茂思屈曲洲島家累千金資先生昔  
居列僊之館據要集思謂象以理明妖由  
人興守諄芒法清寧却走馬于郊謝童譯  
之矩陋三脊之茅熙熙陶陶舒舒夭夭不  
言而歲成無管而事貞夫子不去乎一致  
而百慮其是之謂乎郢大夫曰況觀博聞  
於道彌損願滌耳以扶其蘊  
越公孫曰粵昔居父唯俎豆是敷擊手刺坐  
作因民以教菟苗獮狩車徒卒究厥令輿  
圖八表同曆四絡交執月窳毳風丘冰天桂

越公孫曰靈曜宣精五紀順明察幽考微  
法天以行形氣芸芸吉凶早高觀象以分  
韜弓靈根感不以言繇動彰靜百神受祐  
虛者為音質者為數昔后稷氏之職黍稷  
蕤蕤智者過謀胡盡其地力民日作慝相  
攸食墨風雨斯蔽連雲岌業飛不得垂喙  
履不敢仰視旁營萬家地記萌牙赭衣僨  
蹶而淮水復絕鑄鼎伏姦能沈于渊吁嗟  
而求桑林之羞要荒擾馴玉會盈庭獻琛  
效珍物不可枚陳鷄豚以時父恬孫嬉何



助邊茂思屈曲洲島家累千金資先生昔  
居列仙之館據要集思謂象以理明妖由  
人興守諄芒法清寧却走馬于郊謝重譯  
之雉陋三脊之茅熙熙陶陶舒舒夭夭不  
言而歲成無管而事貞夫子不去乎一致  
而百慮其是之謂乎郢大夫曰汎觀博聞  
於道彌損願滌耳以拱其蘊  
越公孫曰粵昔屈父唯姐豆是敷擊手判坐  
作因民以教菟苗循侍車徒卒究厥令典  
圖八表周曆四貉交軌用竈毳風丘冰天桂

海馳心望雲請命款塞千廬星環八屯山  
列羽林繡經飛騎鼓笈然而成樂者難與  
圖事守文者不足語智嘗聞之兵農同封  
耕戰同功魚鱗鴈行敵莫我敢當府散籍  
移萬姓流離強帥拉脅外寇憚肌卒不可  
拄支後王鑿觀法日以繁厯者罷者恇者  
羸者駢頭引吮食粟而嬉開門納兵百郡  
是師何草廬高吟崎嶇雜耕何杜氏之子  
傳癖孔源而綬帶以征射以容觀劔以氣  
言批元擣虛孰知其隅折衝厭難莫窮其

畔至若握玄圖視龜文縱橫起止與易象  
相表裏者驟語之吾懼大夫之竦胎也大  
夫曰兵者不祥之器未效此知也

越公孫曰炳靈心君闢乾闔坤情聲相宣  
立度出均昭昭鴻藻紺縹是存敢先論楚  
材而言之譟譟乎形畏垢而將翦也霏霏  
乎睫承露而欲訴也荒蹊斷葦燐滅沒而  
疑聚也織文揚徽攬芳菲而雜組也少焉  
商飈號鳴金石琮琤逐虜搏兕講鵬鏃鷹  
寄奔蒼蒼於一瞬乘扶搖以孤征終緩轡以

就日愴條淪乎西傾噫悲何為哉古有巖  
居之士抱竒抉幽漱芳深林憇寂凍流愴  
乎其若遺窈兮其若留鈎盤助之為回旋  
虛牝答之為猷酬徠三疊且而墮淚鶴九轉  
而凝愁鈎玄採微迄無終窮瑤席敷張高  
歌慨慷語初麗而終枝託餘韻於宮商然  
此真箋笈者耳擗拾蒼雅刮磨詰盤微槩  
則編飛英露溥何識乎肉食之鄙猶鄭穆  
而魯桓也大夫不聞之乎鐘石絲竹各隨  
其聽隆汙有時其所遭者命摩盪堪與岷

呼羲娥矢為帝詞叶為賡歌五嶽贊襄百  
靈護呵不棘不茨如砥如磨葢潛編泉掖  
民陽春瑰逸為新簡絜為真列若戶居別  
若清分雍容者珩璜冲遠者英莖縷絕而  
緒續馳甘而齊清昔之擅名偉著耿兮其  
不能以十百程也浮声切響音直意肆志澎  
湃勻溘滔滔莫止据理者夸飾言者哇娛  
毋兮姑射鉛力兮鑿錫蹇莫任兮奈何大  
夫曰文章與政通玉署之職也文勝質則  
史更言其大者

越公孫曰矻矻中壘校讎靡寧世本年紀  
繫于麟經捨相府圖書泯其締經炳麟金  
匱汜罔敢配迺司馬氏決榛鋤翳麗者為  
譏激者為刺弁涉世家表籍作紀言諸侯  
無史史立周圯鄙儒畫墁削章刪凡燬火  
並日卒測盡莫傳昂昂荀袁辭約義完何  
班范家至耿先綿絲相繼擬述百世一律  
素王簡編如日在天熒煌高張孰敢附肩  
鴻化以瀉研探益疲穢者闌者襲者濫者  
渙忍畏禍希企市價諂不表宜俚不師雅

若鼙鼓鍾 若育策烏元經附訛唐曆受呵  
後有紀略迄莫同科尹石猛志澄古比事  
百不一試歐陽氏出方名山所藏復大同  
而小異勢事兩立其魯史之謂廡今繫謀  
川盈記註擲比故志存廢興之源典章酌  
損益之致登瑤山而神駭游鄧林而目昧  
般倭効吁隨和發涕操觚之士吾將見其  
心報而神悸也先生登祕丘覽郤玉積石  
倉標朱目墨兵筆削融液乎粹精罔赫胥  
鄰大庭大夫宜從下風而乞靈也大夫曰

皇王惟熙帝霸孔巖我心增悲韓愈不為  
史名以四馳何庸知焉  
趙公孫曰煌煌方帝別生聚方煥乎陶唐  
五服正邦五典率常導之無遠民用熙熙  
授之以時聿來孜孜降于三正厥緒曰孳  
集成于蒼姬黼黻憲章金石命令緝熙大  
和宣昭群姪織鉅之備粲乎有其秩也豐  
殺之制屹乎其有截也三光重輝百辟拱  
列歲時易移而浸淫蘖芽弱者綴旒強者  
鋌戈智者探囊勇者拔河搏犀象屠蛟鼉



飛矢請命旁午係車焱乎浮雲迅乎奔塵  
炙轂滑稽之亡紛然而並陳棄仁恩假鬼  
神混君臣各馳騁而懷雜數千百年人亡  
而說具勞乎離婁不足以一視也蕭乎王  
良不足以一御也其取大可病者恬泊守  
真可以養身不可以治民絕性棄命黔令  
蠢病孟軻氏有作吾見其髡鉗而舌咋也  
言未既郢大夫曰天藏山中瑾瑜匿瑕問  
以辨之厥德曰華儒者詬病卒不能以勝  
何道寂高子盍陳之母激毋勅行愈不為

越公孫曰古昔顓童受業閭塾書數首通  
訓故是屬声歌象彛日接身服相親有恒  
日用不瀆後帝不相襲緣祀興文八音察  
寥五禮紘紘鏗鏘莫明而聚訟若焚鄭說  
垂誤後圖踵循象制益湮周官別出議者  
歆一繁紊綜錯操網而入林適越而轅北  
也類禮孔勤五厄莫存後有倣補去取未  
就卒乘虬駖雲字以文合声以音比旁行  
敷落侏離狄鞮文軌同風不能以一致孔  
壁莫推二經蕃庶擊牙為令簡儷為古謂

道統是傳曷敢有語詩基丈王而周召先  
與首章異同衆說沸騰風雅變言美者為  
訾直者為詆魯頌記異秦誓告終何後季  
魯魯莫之迄通麟魯經議口法吏謂齊  
晉無褒而日月具刺紛若逢蝨蝟眇若糠粃  
不虛其心不明厥視遺珠抱疑探篋積毀  
然此持人文之經緯政治之用躰也三聖  
述作包河總洛二儀主於心萬化制乎神  
迎之而莫親拒之而彌存疑者逐者愕者  
用者湛兮消兮委兮昭兮沉思遺物形離

超兮激迴颺兮闐而寥兮縱雲翔兮愔兮  
儒先從我招兮郢大夫曰始吾見公孫疲  
欲若不足突梯若避辱靡精槁神何斷斷  
然也今知子矣永譽處矣吾與翰林先生  
徜徉此土小年大年猶以為朝暮也

楠不佞遺謀守儒號東南故家志學之  
歲時見舛雜稍長得博考先賢藏書總部  
第砵砵三十一年合傳短長迺成一  
旨程公作書山房于麻源三谷命承  
賦之遂作七觀極道源委延祐三年  
在丙辰七月癸

歲麓圖辭

嶽司南兮齊紫冥懋陽德兮炳靈二老兮  
素綦握鴻濛兮矢詞百泉兮一谷醜為川  
兮為瀆玉霏霏兮日光湛淵默兮含章至  
言兮在圖同八方兮遠初重華逝兮不返  
晝猿啼兮虎當坂

望臺兮靡蕪蹇一士兮拮据百楹兮承宇  
輒山瓢兮以為醕松風冷兮琅琅儼振佩  
兮高岡朱羲出兮揚靈積陰伏兮大明百  
泉飲兮在齒慄交流兮不可以止嗣德兮  
孔艱清微激兮回瀾

悠然閣辭

翻之西兮峰圍圍席豹屹兮雄姿綬蜿蜒  
兮紫屬旌駛賊兮虹垂之人兮槃阿畏羲  
娥兮高駝築榮觀兮通明手參差兮以娛  
棟隆兮示背榮翼兮聳喙鑑匯雪兮翻之  
區抹有七兮日輒採鞠兮黃裳緝萸兮紫  
囊兮冥冥兮夕暉愴獨睇兮擬所思雲飛  
英兮山之阜為子留兮不遐以處東貞兮  
神專觴彌劇兮益完山中之樂不可以久  
遲予返兮悠然

楊堅州治孟津金堤城作金堤辭  
波湯湯齧我堤民昏墊晝負橋地不寧緣  
木棲楊侯之來承帝則順事陰氣神以懾  
赤蛇蜿蜒吸桂漿百谷受令故瀆常彼隰  
柔桑猗津維杭侯言神綏曷敢功民言侯  
績天心通百妖伏精金石宣明三旬有役  
金堤是復

石田山房辭

大梁馬伯庸寓居光州作石田山房為作

辭曰

淮歛波兮練繒峰植秀兮翠旌翦黃榛兮  
布耕石爰爰兮稜稜思夫人兮造攻雲電  
合兮追鋒遺鏃兮齧足壤逸休兮果腹神  
符一兮告祺藹惠則兮貽思靈之來兮歲  
祠不鄙夷兮以嬉䟽房兮筍席溫風至兮  
靚密儼竹素兮橫陳曰靜脩兮手澤世芬  
兮日起百稔兮無數石田兮有秋累胼胝  
兮吾奚以愁謹樹藝以自勗兮植先德兮  
無媮雖本兮顓豐導泉兮澮通夫豈不知  
有善歲兮吾曷敢燕遨以幸逢望八兮



巖巖三孫悄兮莫還積荒幻以自迷兮拾  
息土而弗芟衆茅婉其披離兮秋霜慘不  
能以實謝紫芝之療飢兮治精鑿以煉質  
亂曰苗誥誥兮善吾耜兮日出作兮永裕  
樂兮學猶殖兮吾將以為則兮

雪江圖辭

雲玄積兮素摩挽義車兮馮河蘆戢戢兮  
倒戈岡伏匿兮觀鵝昭朗兮夕徹群動寂  
兮影滅超消遙兮一舸食穀精兮腹羸地  
險兮曷憑馬飲波兮夜騰委素練兮宇清

舉皓首兮吾奚以屏營

垂綸亭辭為宋誠父作

漢滔滔兮日頃東滄浪兮泠泠蹇一士兮

沈冥垂芒鉞兮不屑以冒明玕兮具宮朱

蔚兮青葱魚戢鱗以為衛兮龍騰章以屏

氣謝娟嫫之嘗巧兮口垂沫以縱恣吾寧

養之以歲年兮寶祕鬱而不宣豈直鉤以

違衆兮守釣道之自然時至而迅舉兮匪

荒幻之詭誘保貞志以遂初兮考銘言于

耆叟世俗眇其莫同兮永訖依夫前聖之

所究

巨峰辭為吳成季作

千嶂兮嶽峯特峰挺兮絕垠泉交流兮織  
文粲霄臺兮鱗鱗檜節兮松蘿接路兮以  
傲儼至人兮清寥休德新兮日昭神曾舉  
兮重玄大帝儼兮授簡以宣曰渾沌其無  
迹兮孰為之傳氣積兮九乾五緯後兮右  
旋逆知來兮順以往掘靈機兮測天狀葆  
正命兮滅企妄受帝語兮還神京山之下  
兮雲亭亭澹獨樂兮復丁則泰始兮道甫

成

雲中辭

氣芒忽兮孰窮其升淵迴旋兮挾以騰圓  
為輪兮直者繩握歛散兮莫名山之樹兮  
日暎彼獨黯兮上屯從豐隆兮駿奔需不  
進兮惛惛下土兮垢氛靈夷猶兮曷存烟  
余視兮屏息桂酒輶兮瑤席法玄化兮以  
康食神功胞兮奚以跡衆甫集兮粹精澹  
將遊兮廓清

春雨辭

玄陰固兮內凝滄蒼蔚兮溟沐與注兮建  
瓴疾兮灑兵下土兮沃焦寥徜徉兮紫霄  
來弗以趾兮去莫可招澹幽士兮空山息  
視聽兮玉顏帝青廓兮籟沉虛牝汨兮潺  
湲謂彼有聲兮耳益以聵疑不釋兮詢于  
大塊

義婦辭東平孫珪妻盧氏

彼棖煌煌兮過者式之黯予心之初兮孰  
或測之紆兮于房伊離孔傷饋兮于堂我  
姑永望余不聊生兮矢神告之歲月遷流

兮卒廼復之鸞鏘兮飛鵠松柏茂兮朝露  
沐石可泐兮志莫虧儼舜英兮介壽祺

哀蘭操

盱江吳允文咸淳末與家君同佐江  
東幕府允文慷慨喜論功業倚青溪  
檻張髯頓足籌邊事歷歷在口傲視  
府公每一至賓決席甫坐即去督府  
舟抵龍灣金陵郡文武郊迎謁入皆  
謝不納獨允文立江亭掩袂大慟必  
求見始退未幾以王宮教授召方是

時江淮幕府僚佐言性命道德者悉  
詭號為知兵得入朝言事而允文疇  
昔素論兵尤竒偉可聽故得驟遷為  
起居郎復直舍人院流離南方寓虔  
州時文丞相總兵兵浸弱允文復以  
平時論兵丞相獨傾下之兵日迫丞  
相酒酣與允文論生死允文未及答  
丞相呼軍校斬之噫允文要為竒男  
子其未答也抑將有所為也桶九歲  
時嘗拜允文於家君坐上想其風采

其其凜凜猶有生氣今觀所作墨蘭不自

知其悲之無從也作哀蘭操以矢之

暇日當弄絃繹聲以配易水之悲壯

幽蘭兮秋風烟命兮不逢判判兮素蕤零

露衰兮莫持望崇岡兮不得返悵江南兮

愈遠叢棘兮杳杳欲駕兮無轅子中野兮

屏營芳隕失兮玉零為我為非兮吾何辭

已兮已兮其將何之幽蘭兮勿悲生失據

兮死有期忠夫君兮意極從逆化兮何隳

蘭竹操為子昂作



柔者不卑剛者不凌  
貿貿雪霜心兮以寧  
且清噫招過學恭吾曷敢以從

彼高者矧彼俯者磧各全以生不媚矣  
慝尋不可以枉寸能有所長亦獨何心茲矣

以傷

爰爰兮叢棘高者下兮曲者直揚靈兮靡  
恤介石兮誰瀆功成者去兮孰尸其榮辱  
為佩兮弗忍以刈為杖兮弗忍以戕杖弗  
以扶危佩弗以服香其畧曷當履維德基  
其無缺以自隳噫

黃可玉哀辭

孔子叙逸民所尚不同愛其近道吁是有  
惑於世也耶又曰不得中行必也狂狷乎  
狷者有所不取矣剛絜養正矯矯然離垢  
立竒語益不合行日以褊若是者誠不取  
矣苟為之不能知知之而自警者得一人  
焉曰南康黃先生可玉可玉名石翁世儒  
家居廬山下少多疾父母強使為道士讀  
聖人書能知其心謂道與言不可以有行  
也必歲智類放以自養約結制行非今以

為異也其著書極於憂患者困之通也嘗  
曰曼容矯節支離不能也平世易足吾何  
為乎是空巖隱穴廓然契領至則曰游聲  
養名非士之實致而望之去聖逾遠故其  
所為詩父靜而不馳溢于哀忽則可玉自  
號之曰狷叟者其果知矣可玉所居室多  
唐宋雜蹟間疾作閉戶反復在手疾止危  
坐若思客至馳辨榮辱可玉開目不復答  
而人始欲之嘗與余言吾鄉善醫曰劉開  
能已竒疾里人病噎嘔藥不愈劉往視之

云廬山某曰雲氣開君憑軒眺引之當愈  
後卒如其言余少固多疾今疾益劇不知  
用劉治法可已否相視大笑余來京師  
報書言茅山陶公黃庭出可急購購成當  
同議中黃畢法未幾竟以疾死嗚呼可玉  
言幾六十死矣曷哀也已學老子道志於  
壽余不志爾謂其世無侶而哀者亦介之  
的也伯玉砥礪志節歲久尔湮讀其自為  
銘知可哀也已故為作哀辭辭曰  
朱光繫庭受昭質兮煜煜靈根曷幽鬱兮

鈞深索竒儼古聖兮德克以尊履制行兮  
邱彼拱壁奠皇圖兮劇以為隅衆引誣兮  
响俞突梯道之非兮挾舟以行慎樞機兮  
層冰在蹊踐其絮兮幽蘭允芳誠不敢裂  
兮清玄返真氣始升兮謝彼菟濁超變騰  
兮空山闡虛蕙蒸殺兮滄焉白雲從我招  
兮

林彦栗哀辭

道家言黜聽明去健羨形神始完是果為  
得道耶古者上壽百二十歲竊不死之說

者則曰脩之益精其道弥親壽而無德與  
名君子耻之故脩短有命遺壽焉猶可言  
也名德不至其漸盡腐滅又安所取哉古  
之人若是者衆矣永嘉林寬字孝栗形癯  
而器温其於學也汲汲然遂曰以補有不  
足焉則力探簡用以自證其為文必達於  
理而始精於詞謂詞者載理之具也理不  
足焉詞雖精無益也深思以求之旁取傳  
記之說勦絕傳會據宗統原以會于一復  
懼其未盡是也則祕重自念將周游四方

闕疑廣聞目擊而心領焉噫若可謂勤也  
矣道散於九流百家弥綸者至矣其弊有  
不勝言者汎濫俚雜尸坐矐目漸入於無  
開之傳余嘗察彥栗知其心有深憂者焉  
余始見於姑蘇氣和以謙再見于京師  
愀然以思取士之道非一嚴畛域析毫髮  
有司者之過遺逸不舉則凡吾徒在官者  
誠有罪矣彥栗志不在是推彥栗之志在  
問學為之而不克就若是者是真有命矣  
悲夫延祐六年三月卒于京師年十

有且其弟宇友謹哭曰吾必奉喪婦姑蘇  
姑蘇吾先人所歲遂為之辭以申其哀焉  
辭曰

氣清明兮受元陽德翔中兮闇以章挈太  
古兮儼九皇播絜精兮瓊圃芳力未具兮  
志剛專一蒿渺兮濟巨川慨不進兮道遠  
遭白晝速兮陰風旋數實紀兮吾何愆路  
孔脩兮神獨還靈旒翻兮木葉丹儼夫人  
兮在空山玉蓉冠兮紫佩蘭  
玄教大宗師返真朝元歌九章以



前導

雲飄飄丹臺何岩堯中有授經之老顏不  
彫三光盪摩四時代謝神未歸靈承帝罔  
敢替

謂朱庭

寥陽空洞六聖儼思九垓熙春羣黎受禧  
昔騰章閶闔通金書儼在水旱功

朝重華

五嶽真形飛車揚鈴翔鸞騰晃金精下視  
垢濁何沉溟昔者之未運有遭今者之往  
清且邀

神虞娛

匪衢以乘匪車以征蓋葺兮摩旌洞蕭激  
兮泠泠磅礴一氣兮冥冥精思道樞兮跪  
頌聆  
玄雲駝

玉几差差文織成龍章鳳翥相緯經大言  
鴻濛小言毫銖道在瓦礫匪別區念昔人  
世我非娛  
啓圖齋

煌煌文成厥胤嗣昌靈之紹合永貞陟降  
四紀心兢兢視彼成虧凜春冰高朗脫履  
辭世榮

簡兮無言默兮若存生以不生為根死以

不死為門絕學丕傳黜其知聞五千之言  
世永傳 握重玄

熙洽休明紫綈朱英侍 帝左右壽考寧  
啓祐玄緒何繩繩嗣昭代歲無害佩鐸鳴  
兮衣綵繅 昌期運

高維松層岩岩歛玉顏養金膏鍊形以昇  
朝帝青周流萬變鎮神京佳城高言

清容居士集卷



第二

清容居士集卷

第三

奉古詩四言

再從姪瑛幼孤學道龍虎山自傷

不能鞠携述祖德以勉之

煌煌玄腎家越徙郵隱道悶躬三世養真

是生祥符觀光績文占籍浚儀佐邑禮勤

粵有光祿亦奉于越幸魁開封老守于枯

少保恂恂早退靜閱太保靈承逃難乘筏

大臺韜明閭里胥洽篤生衛公喬柯茂豐

敦讓貽則攝獄自公絕募秉仁千人著功

冥報氤氲維垣錫崇於赫少傳受學族祖

諱覺有書解行於習繹典謨正獻同字正

獻首科少傳踵舉正獻淳熙舉熙率丑登第少

神告曰汝子宜逢上南省甲辰闈郎被復

師以研繫我族父昭穆會稽非宗疇譜同

源迢迢宴堂是叙少傳挽正獻詩曰宴堂

相臣嫉忠同黨同錮韓侂冑擅權正獻以

傳旦論廢正學勃興象山武夷相繼登朝

奉常羽儀維我少傳抱其魁竒曰經武有

本日用不疲絕弊罷書感勵孜孜迺登東

觀迺佐宰司歲為閣茂正肅冠廷嘉定甲戌正肅

進士第一正獻秘監兼祭酒當是時越公

為秘丞兼樞密院檢詳越公登第已二十

年正獻休休少傳繩繩載史纂謨致事以

行少傳作程均羸紀經翼翼京邑十載教

寧憬彼介狄迴戈指淮鐵駟馭喧為屬之

階公在宥密展誠弼諧悉卒宵征拉其妖

靈總戎輔京東燾受齊李全叛以同知樞

姦沉于渊公歸在里徵彼壽俊縣車告止

于時徵公及東陽葛公參政宣三啓公府

永楚賜履復復荒于齊終越以祀冢子廬陵

克謹其承曰惟端安儉不近名生我俊兄  
志學蜚英上試銓曹計偕荐膺余年尚孩  
企焉戰兢女紀既蒙訖錄更符匪曰愚智  
阨窮同途火焚高閣戚戚告瘖不敏其芸  
莫植其居泯奄長夜盡然永徂念予之雅  
孔蕤孔朗不寧以飢俾游沉荒我雖異途  
與汝同情無為李淫無溺燕朋壹爾氣神  
履水奉盈我宗匪微德芬匪沫來者之榮  
逝者之戒沾沾懷新不究其敗鑒彼太素  
昌其有壞述我祖德送爾言邁匪窮咏歌

申以密用誠其對其道劉海氏至南燕  
趙無幸張孝子卒於其地其地其地  
知孝汴張元綱之父為南陽也丞母卒焉  
子者葬於府之南灘元綱痛不得復于里  
羅計術悲茹辛縮板負土崇為堂形尺以  
墓對二十周廣之度十有二尋屹然而  
望然而臺甃以陶甃堅靚慎密構亭  
立真于中以麻其神屏傭役躬畚菜謂鞠  
育之義由已而始盡於是暮年迺成  
河南田君秀撫事徵實謂楠俾有述



詩曰

粵若古先巢穴奠居淵淵其仁誥誥其愚  
返真玄丘精糜魄枯如蛻斯登如獻斯哺  
後王後民百幻具師顧瞻本初寧不爾思  
纍裡蓬顆惕焉表微歲月既迁孰封以機  
窮惛恣華輟泣而夸力殫於民禮廢于家  
千夫丁丁逞巧莫諱風淫雨饕卒為泥沙  
嗟嗟小子內省是嗣維張孝子無貨財是  
恃無奔走是悍宰如嶮如惟手拮据夕號  
其陰朝升其墟我心匪墜我力匪痛焦肺

惴肝翳翳慈顏曰天有命茲土是虔宛彼  
飛鳥亦集于原隱而卒之有阜孔堅魂寐  
于所不畏不侮汴水湯湯其流匪沮孤征  
云邁入此室虔申以顯之以詔爾永慕  
春和其徐母表閭  
會音大名徐夫人以節名于夫宗晚居錢  
塘有詔表閭江南於是其子大夫  
公執憲東浙食豐享榮侈且至矣廣  
形管之懿傳青簡之信春容整嚴執  
筆林立四明表楠廣為頌詩以備道

久之採詩曰

婦道貴柔厥義彌剛柔以內施剛以外防  
煒煒秀芝空林自持永辭春榮三秀何虧  
維魏徐母玉雪其躬端操靜閑凜為高風  
念昔惇惇黃鵠孔悲婉彼孤雛不能奮飛  
春條其束秋勁其穡聿懷深憂世德靡忒  
漢嫠張芝斂却駙馬黃髮稜稜高秀里社  
蜀女周度斷髮表心矢言堅石厲躬鍛金  
沛有桓女少名其宗援刃割耳之死莫從  
繫此三槩代表其閭垂裕莫聞靖言長吁

桓桓大夫退食自公擊鮮具甘是宴是崇  
翦哉大夫教忠子朝養和服寬慈令孔昭  
四海晏清士節莫著歸為闡範陰教是助  
雙闕峩峩天澤所表維夫人節維大夫孝  
我庸孔勤亦真我敢效歌此擇辭永言申  
之過者必容四方其訓之

致樂堂為鄱陽周南翁作

有嚴周門寢字孔齊溫其碩容西南有闈  
爰珮璧楹爾養爾承慎而潔清以燠以明  
維大夫毋柔恭俾壽嗟余季未教言孔懋

木之彬彬視其同根有滄者雲孰濟而升  
伯也于房仲氏中唐先子之淵拿焉以允  
我堂如跂我懷靡止載車以行不竦不倚  
周京斯弁旨甘有衍匪旨甘則怡樂且靡  
違彼堂在阿樹松峩峩黃髮番番童舞婆  
娑于以樂康於焉作歌

臺氏舞衣堂

彼崇者堂白雲中央蒼蒼維松舒泉湯湯  
有矜孔碩有醜孔芳差池東西率祖以行  
令德允修不震不悔孫曰吾祖祖曰吾父

服其斑爛式歌且舞飲以大瓢爰擊其缶  
維咏維猶垂手以招有鬣者鬣彼雛夭夭  
未祈黃耇福祿宣昭左右承翼見其二毛  
厥居安矣亦既完矣樂時永清俾庶俾蕃  
肆其幼儀雛雛桓桓宜爾雜服終焉考槃

古詩五言

舟中雜詠十首

好花避車塵飛入黃河洗河流政茫茫一  
去不得底納汙有至道胡為愛清泚念茲  
物理深玄籥從此啓

飛鴈翔南雲避就端有得舊年春風歸雪  
花大如席陰陽眇難窺造物司其職慎勿  
事炎涼來徃任行役

道逢射生舡有鶴馴且臞青絲閉其目病  
翼寒蕭踈臯禽九天來此豈真吾徒獨憐  
羽毛侶盤桓為長吁

家奴拾枯草走兔來相親生來不識兔却  
立驚其神行人笑彼拙歸來始嘖呻乃知  
特幸脫未信吾奴仁

白葦生寒沙殘花搖敝帚燕都百萬家借

爾作薪樵物微生竅下功用迺堪取大勝  
桃李花矜矜鬪妍醜  
清夜視北斗正色掙我前迺知中州殊  
詭說浪談天召公化南國美教來自燕  
乾坤儻一致地氣何由偏  
紙鳶帖晴空飛輪走盤線東風恣昂藏  
得意隨手轉攀手雲政相喜墮地忽復怨  
兒童豈知此得失終戀戀  
惡馬少駕車駑馬多駕舡駕船勿戚戚  
駕車何翩翩渠命有通塞誰能別嗤妍  
君看



鹽車下淚隕如奔泉

春菘種北土三年變蔓菁一為居養移自  
覺顏無情南山植松苗深根定生苓千年  
化鑿魄豈比春菘榮

鷓鴣漾晴空意態極楚楚翻風蒼雷迴轉  
日爛銀舞盤旋傲飛鴻清遠敵凡羽須臾  
下魚陂愧我覺疾去

車行二十八韻

乘車古云貴此意音空羨河流露枯沙桑  
本接晴甸大車蓬蓬前小車轉轉殿高緣

縮先登却立駭所見隆如龜戴殼縛如螻  
裏爾效駕何昂昂帖耳復戀戀高岡互回  
伏遠樹時隱見禪趺恣掀簸尸寢作暝眩  
初疑肝膽傾漸覺手足顫兩耳傳鳴雷雙  
眸瞥飛電縈迴蟻旋磨局促蟲負版氣奔  
驚七還心嘔復三咽地軸從此翻日輪肯  
同轉軒輳怒交撞戚速急欲戰馬悲望雲  
嘶牛走見月喘惡蠶恣調伏詈語極鄙賤  
中宵不知勞亭午輒告倦揩摩髀消肉舍  
弃足成趼蕭慙朝殮薄重勝春醒酒土霧

散游絲沙塵起飛麪咫尺方欲離頃刻已  
莫辨素衣緇漸化玄髮白新變人言道途  
苦我意舟楫便雍容漸追昔麗縉時想緬  
輦輪貴尊賢下足表置傳曳柴清時羞高  
蓋群牧選况茲軌轍同及此寰宇徧詩成  
記勞動旅次時慰唁

餞王叅議以風帆目力短江空歲  
年晚為韻

澄觀學求道八景雲青紅上畏羲娥流鞭  
霆跨追風相知不在貌相見誰為容持此

金石心坐閱寒暑中  
昂昂萬斛舟浩蕩揚雲縵  
好風助其端瞬息千里  
飄層波激飛雪正色令  
愈巖坳堂覆杯水止足  
拘庸凡

昔年九方臯相馬不以目  
想其遺玄黃神氣洞馬腹  
東方有一士披髮羹不肉  
居然使之來不復困邊幅

浮榮一羽輕至道萬鈞力  
達人固靈根清靜執寧極  
淒涼江海念別至勿戚戚  
空餘好賢心一矢貫千的

魯聖勤經綸坐席常不暖事來非其意稅  
冕或恨晚每懷千歲憂百歲常苦短扣牛  
有真理短褐歌石爛

機心起風雨平陸能成江苟非養其恬事  
至誰能降此心皦明月爽氣通八窓長空

掃林莽寒飈助春撞

鋤美有至味易牙敢加豐醯鹽強調適衆

口終難同澹泊本真性清淳豈纖容一朝

饗帝所祥雲藹晴空

文章工世姝此道非真詣有如東家施捧

心學天麗公文雲雷尊落筆即千歲  
生晴漪三沐古錦籍

平居挽士意寶鏡懸秋天清影閱今古  
寒光萃虫妍淒涼塵土姿朗鑒勞評銓  
相親耿無語相期欲忘年

雛鳳棲桐枝清音起冲遠  
色日以婉詩書有真託我輩同一莞  
深根在永閔衝霄未云晚

次韻虞伯生夜坐

炎晶爍草露木末望西顛  
靜躁誰為尸翕

忽紛寸抱志士法天運炳燭不在老群經  
固其邪積神以為寶陋彼多言生希名太  
玄草山林詎心違歲月付幽討擾擾徒為  
名努力在此道

地氣環中州橐籥均宇內中宵炎溽頻露  
坐猶憤憤遠窮太古雪欲往終有徠馳神  
極寥廓我筆不可載栖形竹素園萬化等  
厯塊相期江湖深慎勿寒暑礙秋風起天  
末紉蘭結幽佩

弱冠事墳典里曲譏涼涼螢爝不勝火矧  
敢扶朝光驅車出門交一粲逢清揚壘尊  
寶玄酒至饗不在觴慎勿飲世人徒令撓  
空腸紛紛五經學遠祖遺仲翔知賢恨已  
晚相見復慨慷

至道縣日月無言炳陽秋辟世端有方低  
昂少淹留汲古理脩綆寒泉漾清流求懷  
魯兩生議禮終秉周我言失造次燥吻譚  
郊丘此悔行已止歸田賦宜休空餘六籍  
意歲晚期冥搜



意為  
再次韻伯生蕪簡仲章二首

重柳積清潤  
曉日凝蒼涼  
萬化同一氣  
期須變朱光  
夙志尚幽隱  
清夢時悠揚  
愧非酒中聖  
客至同覆觴  
委心理無簡  
念至迴中腸  
時節忽已迅  
秋雲應南翔  
相期慎素業  
載歌慨以慷

俗士同酷暑  
可人似清秋  
邂逅得二子  
傾心為渠留  
相望塵隕霧  
相親汗交流  
積雨暗京國  
苔痕生道周  
神交徑心醉  
何必登糟丘  
著書君已定  
彈冠我當休  
唯餘舊詩

舜泉清且甘，歷山秀而朗。淳風邈泠泠，舊俗遺穰穰。怡愉二老歡，敷厖百歲長。銀光浮勝頰，素髮垂過項。階庭尊孝謹，閭里化廉讓。春風連理枝，晴日九節杖。犢車共東西，漁舫同下土。替蠅麻課餘閑豚韭，隨薄養薇山。悲首陽菊潭，洒胡廣愧彼非。禮羅居然嬰，世網孫枝孳。天葩祖風躡，遺響含飴記。疇昔興門慰，期獎冥鴻天。機韜高松白，雲徃緬烏清。風佳庶作高山仰，游長春宮分韻得菜字。

珠宮敞殊界積構中天臺神清塵倒景青  
紅隱蓬萊羣山助其雄袞袞從西來八荒  
昔禹甸為此增崔嵬舊邑環蟻垤清泉覆  
流盃雲低落日淨莽蒼同飛埃緬懷古僊  
伯采芝雪氈毳長春豈酒國殺氣為之迴  
天風起高寒玉珮聲徘徊空餘水中輪塵  
錄環春雷之人去已久松聲有餘哀

次韻徐志友雜詠十首

師川樞密  
五世孫

喬木空雪霜孤枿存十一遺聞備家乘零  
落寧有述父勝理固然相道返初質志士

律支頤費雕搜

詩律清遠少與之比嗟嘆不

足復次韻二首

皎皎明月裾美製異厖涼薄遊起嘉譽妙

選歸明光濡毫百王度麗思方抽揚深身

佩璜瑤慎德銘豆觴簫艾不並處三嗅懷

剛腸求愧斥鷃姿側身廁鵬翔終然顛昏

附竭誠以慨慷

玄鶴警清露遠思凌高秋長松有佳蔭嘍

然為之留癖彼明月光那能染黃流洋洋

日以往天風迴不周畏此颯爽涼行當返  
浮丘同憂有奇士詩來賦歸休遺經倘可  
得墜緒期予搜

鞭馬圖 為狄誠父作

生駒萬里意所向知無前圍人忌其德未  
誠先加鞭要令俛首馴使我常相憐伯樂  
死已久此道不復傳駕車困泥塗伏櫪老  
歲年所用非竹養誰能別蚩妍畫師逐時  
好謂爾誠當然披圖重嘆嗟我意何由宣

張布孟嘉慶圖

其祖伯祖皆  
年過九十

心未降黽勉終惜日  
刻志非不工畏脩廼  
真急勞生悟其機靜  
默希遠害棄觚強浮  
湛念至時永慨佳人  
在空谷不復本絕代  
嘉賓秩初筵至饗不  
在酒傷哉因飲徒醉  
目恣可不獨弦不成  
音短袂莫回肘恃此  
百尺臺誰復憂蟻朽  
至道存遺音我琴不  
堪撫愛此素心人更  
僕請遽數文章有正  
律短計工百沮寡言  
徒自高憂熏汗如雨

盈日道間花秀色爭餘春舉俗競愛之孤  
芳愧陳人譬彼鏡中月照影終有塵八荒  
已同雲客行復跋  
玩易悲三陳微服志已迫胡為守其恬正  
色養神宅迺知無邪詩經緯貫三百載籍  
天所扶終古脫五厄  
古來操縵功時至能安絃近復顛倒之擊  
石求飛煙我剋儼尸坐委蛇養脩年廢此  
汗簡勞謂可一唯傳  
談經各戶牖正道誰當承朝菌不知翔夏

蟲復疑冰高堂屹崇構相彼甌與瓠師問  
有遺訓此語非吾能  
豫章古詩法萬折汪海偉層波激竒觀妙  
用安可幾妥語非不能  
有真傳廊廟振朱屐  
天風眇東南碧漢澹凝戀嗜芟同苦心相  
得不在見黃塵各道里玉雪起清遠它年  
看飛鴻為我繫書箭  
木下 再次韻答仲章仲保寶十首  
東南有竒觀萬戶粲如一覽古憂思深擬



筆追七述芳澤同聚塵清淨葆昭質所憂  
不可言擬睇悲落日

良苗沒深蕪穡人志其怠無端揚飛塵螟  
蚤賈深害力耕未逢年歲晚空永慨深悲

採芑士却穀金季代

春雲倚春山搖蕩如春酒相親在顏色念

子心獨不薄飯時充饑短袖不掩肘高樓

腸

政清歌盈自芳朽

驅車學遠游古劍終夜撫長安袂成雲我

去何疑數相知有奇士不畏道里沮寒風

振枯林落葉起清雨  
西山鬱鬱佳氣萬古留  
青春曼露巖壑姿  
彼車上人之人有行後  
莫洗車中塵空餘  
白玉泉隨車走  
長松養華滋  
迥彼霜霰迫  
虬枝結層陰  
下庇十畝宅  
擾擾區中人生  
歲寧滿百慎  
勿以智奪相逢  
復相厄  
新月無定姿  
低昂起初弦  
南飛有孤鴈  
驚沙度踈煙  
一為居養  
移來往忘  
歲年感物  
非不多音  
書為誰傳

束髮交老蒼道大誰能承澄心養真源寒  
泉護清水傷哉注巧勞欲作千金甌豈無  
須更好陶人愧非能

淵明仕浮湛投効志始偉愛此松菊佳餘  
年悵無幾八表雲鶴還不作身後累陶然  
且就飲軒冕真弊屣

我家古城南喬水起清戀空江紉雲影清  
夢時一見相逢故人深各念居山遠他年  
東南來贈君以竹箭

蘇詩林三次韻酬周儀之虞伯生十首

英華雲中君含思歌太一迴鸞舞天葩流  
粲香莫述報之不成章玉璽耿素質臨風  
發長謡庸以求之今日  
昔學空巖居之人怒其怠哀猿雜山狖驚  
嘯欲我害天隱神所藏別之空悵慨桃源  
閉深竇亦復知晋代  
道逢學仙人御氣不飲酒我笑初無言彼  
已嗔我否哀哉守其愚繫石猶在肘冥化  
隨悲風淪骨成朽  
遠客思故園孤松為誰撫露白天宇清鴻

歸暮雲數誓將畢幽討勿為此遊沮念子  
知我深神交泣天雨

楚歌惜白日燕歌蕩青春哀樂自逐時流  
幻區中人我生功名念素領無纖塵飛鳶

竟玷：啄雀徒跋

羲娥挾雙輶丹心老見迫丹臺漱靈霞瓊

蕊生尺宅控搏無須史詭幻已千百慎此

陰陽機逃虛脫真厄

奇樹生南薰清生彈五絃淳風邈永古白

雲赴蒼煙世故日以媮俛仰隨歲年折腰

倘為酒猶足青簡傳蘇秦  
破甕居井眉勺水不得承  
寒槔轉餘瀝天風助為冰  
舊質儼有在誰言真破甕  
愧彼埏埴功成壞非汝能  
龔生天二年苦節亦良偉  
輪囷閱書傳此事寧有幾  
口腹非過謀形骸迺真累  
所以商山翁終復著漢履  
少年恣青春歡至無復戀  
一為關河行常恐不得見  
新鴈雲中來飛飛落南遠  
歸心耿無寐寒更促浮箭  
似子也三教長卷

題汴梁推官周子明三獄詩卷

三章結漢網清淨歌元  
後世益以密姦  
悞日云繁治法如理絲  
衆焚政多端一絲  
不得直萬緒何由完  
虛心納衆口至理藏  
片言永念死者哀  
更生者寃汴州古循  
吏三獄成平反天道  
詎幽遠子公有高門  
題弋陽巖山精舍圖  
紅塵落青山飛瀑遶  
洗之孕此巖中居  
寒膏漾淪漪白雲  
偉衣冠脩松古鬚  
眉書聲出虛牝  
杳空中篔簹  
桃源有神界  
天光固

幽機一為漁父遊妙筆工斫窺至今武陵  
群山水傳清暉  
次韻仲章蔡村阻風神神若然西  
足弱辭北騎身輕落南航懷別意澆養問  
俗心悠揚豚韭供歲歉蠶麥扶時康幽事  
不滿眼薄念時迴腸天風進蕭蕭海日懸  
涼下喧塵土囊裂悵羨雲帆翔衆樹尖高  
下老鶴追微茫而我獨偏仄與子同阻長  
靜退實守道躁趨迺捐常愛此金石貞詎  
為道里忙相從果無悔後會誰當忘



次韻陳畬齋七首

明月明年何處看為韻

秋月如靜士炳然河漢明白雲護其清送  
作飛空瓊此月不愛彩却行印中庭白雲  
忽不見我思徒英

靈魄表空輪隨陽產金玦湏臾白璧成盈  
心懼顛越陰陽環無端變化終未歇獨恨

今時人相忘舊時月  
人言月有桂天風墮微馨開軒睇扶踈西  
與銀河傾桂本空中塵那能助虧盈朗鑒

自終古匪待今夕明

舊年客清秋望月如望年長身兀孤影衰  
鴻起清圓落葉墮我後北斗戴我前勞生  
果有役念至心懸  
海觀濯銀雪金精融太和照我身上衣光  
耀何其多感此萬里意逝將飲亡何亡何  
豈真樂臨風託長歌  
暝樹迴朝光驚鳥不知處群動俱念安客  
行有程度熠燿驚宵征熒化餘腐豈不不  
畏跋履眠食在謹護  
殘醒強清坐朔風生樹端客袂何皎  
客

扇何團首念此會合意永與明月看他年  
返舊壑願此青松完

蔣商卿叙其先人客金陵與先  
子事契末章復以見屬次韻

堂之金陵州草石臺路羽書急星馳鋒  
車却金錯飛雲古戍基積雪寒沙步我舟  
欲輕行我馬何踟顧乃翁入門初此夕傾  
蓋故寒暄謝浮語信宿陳薄具茲年心尚  
孩維時歲云暮艱虞脫九死邂逅欣再遇  
貞姿固青松雅曲廢朱鷺二老古先民百

歲等童孺微疴隔音容鉅痛割心腑孤根  
擢遺肄淳轂悲弱羽緬懷青羶舊力  
守常編素伊優笑侏儒咕囁陋章句珥貂  
匪七葉插架同四庫談空齋諧虛守樸燕  
說固芳林極薈蔚溟海窮混濇迺知山中  
雲政異巖下趣心聲要成律易象那可註  
群賢凜無幾餘子競自數愛君思如泉愛  
君美如瓢願為汪：深勿作翕：附巨構  
千礎承珍裘百孤聚混世同舖糟勞生已  
嘗醕整冠儼初服拂衣謝紛務溝斷寧繪

犧戶樞詎為蟲情深盡傾倒醉劇多忘謬  
誤機絕矜絜落筆化塵腐水深嘉魚潛雲  
重摻木怒翩：林間鶴栖：井中鮒飄零  
記疇昔慷慨合和煦辱贈難與酬臨風復  
成賦

集廉園

芳菲廉家園換我塵中春古樹不愛彩白  
雲為之賓中列萬寶枝夭娜瑤池神背立  
飲清露耿：猩紅新幽蜂集佳吹烟鷺搖  
精銀層臺圍松蓋其下疑有人奕罷忽仙

去飛花點枰茵高藤水蒼佩舟橋誰為紉  
濯纓及吾足照英須肩真暝色起孤鳥寒  
光蕩青蘋信美非故居整馬來城闈  
臺中次韻仲章杜門  
今日慵出門戶坐觀我生忽有故園思寫  
之不成聲舍北兩朱櫻翠羽垂流纓舍南  
青桐樹亭二如葢傾念此永契闊為尔增  
拂嬰歸雲豉西山臨風意縱橫  
暮歸  
馬鳴千柳昏犬吠一星出晴空暗歸道客

子塵滿骨入門視踈燈隱若眼中物展書  
弗能誦浩氣彌碑兀古來惜陰士志有不  
黔突愧我非等倫顧影竦毛髮寒風肅群  
動勁氣激清樾飢烏念其安驚噪落林月  
迺知造化理攘仁殊未歇  
贈黃教授歸閩中  
壺中束銀筆秀色倚車蓋其人清且明十  
室九冠帶林鄭陳方劉祥雲布鄉黨緝惟  
乾淳初朝野實交泰執耳為之盟多士森  
弁會澄懷味蘭芷正色炳著蔡彌綸古編

簡粲錯列文具百川已東流  
未泝擁溝澮飛霜墮喬木  
變脫等蟬蛻艱難老文學  
世德芬未沫布袍黑嶙峋  
慘淡萬里外希音繹風雅  
一鼓瘖萬籟宛彼孤飛鴻  
鳴聲何噦噦噦飢來念其安  
飲啄欣有賴涼風振脩衢  
蕭蕭噦返征旆懷賢不成章  
因之結長嘒噦送許世茂歸武曲二首  
其祖慶元大魁先公嘗與同朝

岷江下奔流日夜東南趨  
艱虞六十載蜀

客無完居織脩掛晴練  
五老為之廬招彼



素心人蒼翠垂流珠  
我銀臺公懷寶耿  
未攄青銅擢孫枝  
下此佳鳳雛絢爛  
五采翼披霞表亨  
衢清音冥鴻遠逸  
興蒼鷹俱食竹戀  
苦志餐風養真腴  
誓將八極周覽德  
為真符歲月諒有  
盡雲端復躊躇  
固吾事荏苒悲征  
途如如春醉京風  
前蒼茫鸚鵡洲日  
落楓葉赤昂桑處  
士恨蔓草化為碧  
之士輕且儼之人  
何急窄至今千載  
下投筆弄鋒鏑銀  
城太古雪轉首一  
消釋雍容詩書郎  
浩氣裂金石徘徊  
登臨

意寒波靜如席相逢各萬里未契論宿昔  
呶嘍語未盡征雁起暝色淒涼衣冠聚山  
海窮畢弋翳桑榆光人物眇可識停驂  
望前坡去馬記初驛

題金華洞圖二首

魏、靈居秀遙岑擁頽霞聞昔受道時三  
洞為其家金精裂飛魄躡武凌青華遺彼  
一寸松樛柯養真芽瞬息服光景神丹起  
槎牙下有千歲脂百靈靜無譁此豈甚秘  
之服食世所夸真凡路永隔輕生竟如麻

玄曜食其正本真

五嶽扶神州葛稚川地記言金澤水胡為

魚茲山鎮無極不練復不渝靜閱浩劫理

兩曜跳玄珠矯首二皇君寶冠白雲輿方

瞳駐真睛濁垢紛何如霏煙聳空翠滴露

凝沆蘊神鈞合虛北松聲自笙竽窈兮忽

不見諒此寧非居

送張上卿燎黃上塚

素質起昆侖瓊胎孕崆峒指木為我母問

玄為我翁承暉企春榮百歲如捕風朝嗽

何朗耀暮備何葱籠返真紫虛臺合歡朱  
陵宮迴鸞從舞鳳景命來玄穹妙感非世  
窺揚靈懽無踪湛兮合冥會道一為之宗  
沉：白雲闕雙鶴鳴青松念此不得見悒  
為遲相從

壽何平章二首

方壺屹祥觀旒被綠髮仙執簡朝帝居高  
演清淨言雲為八表雨水作四瀆泉炳文  
一以施握之不盈拳頰首陳至詞囊括希

其全成虧匪至理願言葆真玄

琅全黃石書功成乃言去豈不思濟時默  
為念其素山中赤松柯云是童所樹長養  
媚以深屈曲美無度神光滿澗谷希夷澹  
無慮願持一觴言肩壽在謹護

次韻雜詩五首

有客一馬歸屋角群星明念此昔日苦義  
輪何西傾粲々風中花弱豔夸芳榮而我  
獨枯槁欲學身後名  
少年觀滄海天濤碧因依下有珊瑚珠紅  
光射雲輝玩之不忍舍歛吸雙龍飛遠為

塵中遊坐覺顏色遠哀哉西山士飢食周  
原薇志遠景無處點龍吟世新時其真  
昔狂愛奇士接席多大言中道邂逅之捐  
生誓俱存傾家謝其意酒至絕不論此士  
今已矣長年常閉門  
幽居集奇觀積雪明寢扉湛下新陽舒寒  
光騁熹微呬嘍南歸鴈長鳴示其機出處  
諒有素觴來為之揮  
朝遊東門曲壞道荆棘存累  
者誰塚舉  
觴酌其魂死無落魄名生有帖喋言所以

荷篠翁臨流漱潺湲遺簪隱世德恐垢躬  
灌園豈忘輕肥念苟得誠少恩采之松上  
花飢來助吾餐

壽程內翰二首

蕩云長壽居丹梯峻蒼旻中有龜鶴所老  
仙為之馴維時夏初至園林綠養之萬神  
我冠環參差揚七笏行雲鎮清樾靈波激  
層津振衣遊帝青下土何其塵運與千歲  
期正色光景新無為理清淨世儒汨其真  
君子法簡易坐致羲黃淳

車蓋交道周嘉醕蓋在房有客東南來高  
歌奉清觴一歌白日還再歌青春揚師曠  
世固有八音盪翱翔迴鳳下奇雲猗桐非  
故岡覽之不食實三嗅遺孤芳皎々金石  
姿令德豫且康窮河覩崑山出及賓扶桑  
介此黃髮期日之結成章

別仲章

飄々貢公綦遠乃至關河關河水為天積  
雪流銀沙前有林間鳥後有馬上茄烏啼  
思我親茄鳴思我家川流去不息群山赴



嵯峨余行已東南朝醺散微霞念茲日不

見持觴酌餘嗟於國為與首為以味為

別吳養浩十首以願為江海深勿

孤矢懸高門卓犖四海願登車透且遲永

念道里遠鷄鳴當宵行執轡上長坂西北

何其高飛雲列竒觀歸出山心且

游神竹素園古聖儼若思至道篤靜極執

簡欲受之上有竒耦文摩盪光離於持以

禦魑魅魑魅不敢為數在將南春

維東匯為湖浩淼通三汜懷哉紫芝叟月

明漱飛淙，小言諒以清。大言淳且龐，去  
日未遠，奔流鼓春，撞章何必爲。密與登定  
昔聞方壺，居誓欲往。滄海操舟，迅前邁雲  
雨白皚皚，層瀾眇空洞。肉翅不可待，朝陽  
漱靈霞，一食毛髮改。昔聞方壺，居誓欲往。  
古有無媒女，閉門泣春深。手擲雲錦梭，流  
光耀晴陰。千葩翠交結，宛死轉不可尋。浮雲  
爲之佇，幽鳳爲之吟。昔聞方壺，居誓欲往。  
昌歎懷古，卒在德不在物。屈曲寒澗底，詎  
以險自屈。有客同嗜之，至亨寧勿。芳年

匪淹留薄采消永鬱  
雲和高岡桐龍腹裂冰  
電攫之淳且深謖  
震察廓彈者不復語  
往者誰可作玄雲  
薄陰來開戶失雙鶴  
緱山仙居人上有玉  
女盆解髮三沐之清  
水盪寒紋神膏釋翠  
縷跪坐唏朝暎蟬蛻  
有變化蟪姑定足論  
客來南榮下欣言酌  
醞盞觴舉壺已空盤  
辟復三讓享之不成  
章何以爲客賦客言  
君當休商聲助予悵  
青天言意直與共日



賴蘇詞懷伯生公晉彩韻

春雨消路塵春風散林纈蕩立長安門客  
予守萬轍城陰有一士淡良養不啜采彼  
松工露煮石化晴雪沈冥護真性觴至那  
復說向來舌本談今作耳根熱維南有膠  
枝巖溜滋百結在德良自防居屯詎為折  
念此長夜深寒光吐殘月

萃采齋酌蕭靜安提舉二首

溜泉散餘塵稍心軒檻清孤鳳起天未縹  
緲參差鳴佳音寂萬籟異采含蜚英衆葉

豈不光終然哆春榮  
翩心者何離和之欲  
成聲迺知雲間意  
非復區中情  
有客何方來  
贈以雙南金  
維時夏初溽  
寒光激玄陰  
至靜閱真賞  
獨晤諧希音  
伊江渺風清  
伊林復崎嶇  
出處各未得  
冥思結長吟  
於粲不能報  
冷手中琴

題劉充之載月圖

磊落太古月  
搖蕩湘君波  
寒晶燦膏露  
倒景流銀渦  
湛湛湘渚淨  
天風泛飛槎  
澆蕩神界中  
四客獻且歌  
憑虛歷空洞  
金粟搖

靈柯流光朗星斗怪影窺蛟鼉服食詎在  
酒三咽顏為酡俯仰會合初遊者已山阿  
昂然菊聞叟秉芳獨婆娑微芒信可傳彼  
圖重吟哦  
壽賈叅議二首  
粲以雲中松八表迴鸞翔下有采著叟澄  
觀振高崗握著玩鴻濛竹簡儼在旁湛焉  
貫纍珠炳變猶龍章笑指青松言貞固以  
自防細縕迴玄化清雲表竒光  
嘉平維吉辰初陽起天心彩鳳歛  
差參落

落空洞音徘徊碧雲宇賓從羅清林神鼎  
朝已調芳醴時當斟損益在我手啓齒歌  
瓊吟煌煌秉令德昭彼西山岑  
次韻揭教授官閩中  
鬱鬱太古樹叢生散珠玕明時炳陽德寥  
落歛歲寒天風西北來凍海翻層瀾芳朽  
各有性盛衰詎無端買冰上履黯塵  
中冠宿志不得疇奮飛戢其翰伊南蹇一  
士羈鴻河之干手持大雅篇八音佐王官  
墻音卧朝日薄飯不滿樂邂逅喜我同金



石生肺肝出處非故意低回耿相看闔山  
渺雲濤東望通三韓居夷暇有在取琴為  
君彈家志不與齋齋舉清其儔知南宮一  
谷亦卦寄題撫州先天觀水石真然  
浩之太古石雕鏤鈴差峨瓊林化飛騫寶  
構窮鬱羅矯首視三光丹青相盪摩上列鄰  
仙館西移瑤池柯玉蛟亦受令鞭撻迴盤  
渦魏宮雙華表飛鳥不敢過玄鶴時一來  
潛鱗淨無波心跡會虛湛神光隱鳴鼉緬  
波巢居子凝睇佩女蘿天風入紫京百靈

莫誰何朗言混沌後龍馬方負河視之杳  
不見嘉名表山阿冥思有至理熟視<sup>時</sup>摩淨  
不下留送牟景陽教授天台阿年寒欲步  
峨眉陵陽翁麟筆凝秋霜採芝空巖曲白  
雲以為糧微言酌太古妙思歌瓊章餘久  
涉其藩自謂真班揚此道端未泯我心何  
由降  
五良秀高門用處各有在伯如幽蘭深仲  
若春雲靄叔也端可人芳林起新蕾垂天  
得扶搖一决度江海相逢慰傾倒曾次澆

磊砢

天台古儒林秀士英且明君行振遺緒家

學揚清聲文詞尚理性此敝無由更衆咻

方爾群獨拍何當鳴為問舒與胡寒庭草

青其澗閨風梅也

功名不願多我輩端可免南州已寥落屈

指閱諸彥汰如糠在前得若車度坂愛君

不可留尊鱸慰佳願黃塵我何事寒燈起

清歎

雲隱齋

油溪山之椒翁忽變平陸下上何其勞六  
息返神谷凝光養澄觀清潤積新沐知白  
吾未能寒聲起林木

琴欲

劉朔齋侍郎孫希孟能訪子昂觀

松雪琴以詩寄之

雨雪戒脩途苒苒歲云暮維舟望鄉國煙  
樹渺無度永懷松雪翁買田成隱趣齋中  
六尺琴清徹仙掌露虛聲合空洞天籟生  
磬護勿為離鸞吟眉壽以保魯

時有悼  
三之感

送胡安常河南省負外郎

陽春惠澤廣煥動昭回蘓皎尚書郎佐  
理勤居諸澄懷罄輸納疾首宣訐謨黃流  
交道周髣髴桑柘墟驅馬憇枯礫詢彼壟  
上天歌臺久寂歷商聲煦清飲昔有屠羊  
子慷慨成須臾感激車上禮朔風為之吁  
俠氣散鋒鏑侈習翳榛蕪舉觴酌其蹤興  
廢今何如三河水門記白桑來東吳願言  
表里道坐使民驩虞

次韻張秋泉墨蘭

蘇皎尚書郎佐

虛窓秋思集晨興愔無餘墨池漾清泉天

葩散紛敷憂此巖中君贈以碧玉腴微雲  
解蒼佩縹緲疑空無遠謝丹白昏詎畏霜  
霰濡守黑志有在談玄道非殊愧彼夷與  
齊絜腹不受污湘纍慨永古世人陋其迂  
臨風嗅餘清是豈真緇徒迺知萬化寂妙  
巧窺分銖幽蜂綴踈蘂點々遊晴虛閉門  
謹視之黃塵政紛如

清容居士集卷第三



